



Inatsiartut ilaasortaq
Aleqa Hammond
/maani

**§ 37 naapertorlugu palasissaaleqineq aammalu nunatsinni palasissatut ilinniarti-
taaneq pillugu apeqquteqaatinut akissut.**

26. november 2012
Sagsnr. 2011-053877
Dok. Nr. 1076210

Asasara Aleqa Hammond

Postboks 1029
3900 Nuuk
Tlf: +299 34 50 00
Fax: +299 32 20 73
Email: iin@nanoq.gl
www.nanoq.gl

Apeqqtigisannut qujallunga ilisimatitsissutigissavara apeqqutinnut akissutigisagut Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik suleqatigalugu suliarineqarsimmata, apeqqutit Naalakkersuisoqarfimmu tassunga saaffiginnittuummata. Tamatumalu saniatigut Iisimatusarfimmi upperisarsiornermut ilinniartitaaneq pillugu tusagassiorfinnut nalunaarut akissutit pingajuanni atorsimavarput.

Akissutigut apeqqutit ataanni suliarisimavagut, taamaattorli apeqqutit aappaanut aamma apeqqutit sisamaannut akissutigut apeqqutit sisamaata ataaniipput.

Naalakkersuisunut apeqqut:

1. Nunatsinni palasissaaleqineq qaangerniarlugu aammalu ilagiit nunatsinni ullumikkornit sanngiinnerulernissaat pinngitsoortinniarlugu Naalakkersuisut qanoq iliuseqarpat?

Akissut: Piffissami matumani palaseqarfiit marluk namminerisaminnik palaseqanngillat. Tassanilu pineqarput Palaseqarfik Kangaatsiaq aamma Palaseqarfik Illoqqortoormiut. Novembarip ulluisa 15-ianni Kangaatsiami aamma Tasiilami palaseqarfinni palasit atorfinnut qinnuteqarfissaq qaangiuppoq. Tasiilami atorfik *palasip aappaatut* atorfiuvoq, pilersinneqarsimallunilu atorfimmiit tassannga Illoqqortoormiut Palaseqarfiata sullinneqarnissaa siunertaralugu, kingullermik atorfik taanna inuttassarsiuunneqarmat qinnuteqartoqanngimmat. Sulianullu tunngasumik pappialat maanna ilagiit sinniisaannut susassaartunut ingerlatseqqinneqarsimalerput, taakkua sulianut isummertussaammata.

Naalakkersuisut fagruppit akimorlugit pikkorissaanernik suliniuteqalerput. Tamannalu isumaqarpoq ilagiinni sulisuusut pikkorissaanernut qaaqquneqartalersut, ilaatigut isumaginninnermi siunnersortit peqataaffigisaannut. Tamatumuuna fagit akimorlugit suleqatigiinneq nukittorsaaviginiarneqarpoq, taamaaliornikkullu palasit ilaasa sulinerminni kiserliortutut misigisimasarnerat iliuuseqarfigineqarsinnaalluni.

Naalackersuisut aamma ilagiinni suleriaatsinik eqaallisaaniarlutik suliniuteqarput, maleruagassat atuuttut nutarternerisigut, ilagiillu iluanni nutaanik maleruagassiornikkut. Naalackersuisullu neriutigaat suliniutit eqqartorneqartut aqutugalugit ilagiit suliffissatut soqutiginarsarneqarsinnaasut.

2. Nunatsinni upperisarsiornerup ilisimatusarfigineqarluni ingerlanneqartarnera nunatsinniiginnarsinnaanera anguniarlugu Naalackersuisut qanoq isiorpat?

Akissut: Apeqqutit sisamaannut akissut takuuk.

3. Naalackersuisut isumaqarpat nunatsinni upperisarsiornerup ilinniakkap nunat tamalaat akornanni pitsaassutsimik appasinnersuq?

Akissut: Paatsoornermik tunngaveqarpoq ilisimatusarfimmi upperisarsiornermut tunngasumik ilinniartitaaneq nunarsuarmit piumasaqaataannut naapertuutinnigitsutut isiginnittoqarmat, kisiannili ilumoorpoq danskit upperisarsiornermi bachelorinnngorniarluni ilinniartitaanerannit allaanerummat. Danskit ilinniartitaanerat ukiunik sisamanik siviussuseqarpoq, kalaallilu ilinniartitaanerat ukiunik pingasuinnarnik siviussuseqarluni. Danskit ilinniartitaanerat Kalaallit Nunaannut tunngasumik imaqqangilaq, kalaallili ilinniartitaaneranni immikkut Kalaallit Nunaanni ilagiit oqaluttuassartaannik Kalaallit Nunaannullu tunngasunik imaqarluni. Danskit ilinniartitaaneranni hebræisut, grækerisut aamma latin-imik atuarsinnaaneq piumasaqaataavoq, kalaallili ilinniartitaaneranni grækerisut paasissutissanik testamintitaamullu tunngatillugu ingammik grækerit oqaasinik atuisinnaaneq ilinniartitsisutigineqarlutik.

Ilinniartitaaneq annertussutsimigut fagitigullu assigiinngissuseqarpoq, kisiannili kalaallit ilinniartitaanerat nunarsuarmit ilinniartitaanerannut imarisamigut nallersuussinnaalluarpoq. Tamanna nunarsuarmioqataasunit qitiusumik suleqatigiinnit isumannaarneqarpoq, ilinniarnertu ilisimatusarnermik tunngaveqarluni, soorluli ilisimatusarfimmi ilinniartitaaneq tamarmi taamaattussaasoq. Upperisarsiornermut immikkoortortami kristumiussutsip nunarsuarmit akornanni oqaluttuassartaa aammalu kristumiussutsip immikkut kalaallinut oqaluttuassartaa tamarmik ilisimatusarfigineqarput.

Kisiannili kalaallit bachelorinnngorniarluni ilinniartuusut danskit universitiitianni ilinniaqqinniartut siuliani nikingassutsit ilinniartitaanerni marlunni pineqartuni eqqaaneqartut tunngavagalugit ukiut aappaata affaa Danmark-imi bachelorertaanut atatillugu atuaqqaartariaqarput, kandidatinnngorniarnertup aallartinnginnerani.

4. Naalackersuisut isumaqarunik nunatsinni upperisarsiornerup ilinniakkatut piginnarnissaa aqutissaanngitsaq, taava nunatsinni pissutsit immikkut tulluarsaavineqarlutik ilinniartitsiffiqineqartartut piginnarnissaannik qanoq qulakkeerinntittoqarsinnaava?

Akissut: Suleqatigiissitamik pilersitsisoqalerpoq, Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmit, Ilisimatusarfimmit, Kallaallit Nunaanni ilagiinnit aamma Ilinniartitaanermut Ilisimatusarnermullu Naalakkersuisoqarfimmit inuttaqartumik.

Siullertut suleqatigiissitap siunnersuutigissavai ilutsit palasissatut ilinniartitaanerni Kallaallit Nunaanni ilagiinnut naleqquttut. Kiisalu aamma isumaliutigineqarpoq suleqatigiissitap siunnersuusiussagaa qanoq iliorluni palasissat ilinniartitaanerit ima pilerinarsarneqarsinnaanersoq siunissami pisariaqartitsinermit palasissat naammassisut amerlasusiat naapertuuttuulersinnaangorlugu.

Sulinissamut allassimaffimmi piumasaqaateqartoqanngilaq siunissami ilinniartitaanerup sumi inissisimasinnaanera pillugu, suleqatigiissitap periarfissat tamaasa nalilersussagai naatsorsuutigineqarmat.

Inussiarnersumik inuulluaqqusilluta

Med venlig hilsen



Palle Christiansen